

Sier Cabriel Emo, *quondam* sier Zuan, cavalier.
 Sier Marco Orio, *quondam* sier Piero.
 Sier Alvixe d' Armer, *quondam* sier Simon.
 Sier Marin Zustignan, *quondam* sier Pangrati.
 Sier Francesco Nanni, *quondam* sier Jacomo.
 Sier Piero Nanni, *quondam* sier Jacomo.
 Sier Alvise Capelo, *quondam* sier Vetur.
 Sier Pollo Capelo, el cavalier.
 Sier Andrea Griti, procurator.
 Sier Luca Zen, procurator.
 Sier Lorenzo Zustignan, *quondam* sier Bernardo,
 cavalier, procurator.
 Sier Anzolo Malipiero, *quondam* sier Tomaxo.
 Sier Filippo Bernardo, *quondam* sier Dan lolo.
 Sier Francesco Bernardo, *quondam* sier Dandolo.
 Sier Batista Morexini, *quondam* sier Carlo.
 Sier Michiel da Leze, *quondam* sier Luca.
 Sier Alvise Sanudo, *quondam* sier Lunardo.
 Sier Bernardin Zane, *quondam* sier Piero.
 Sier Zorzi Emo, *quondam* sier Zuam, el cavalier.
 Sier Hironimo Querini, *quondam* sier Andrea.
 Sier Fantin Michiel, *quondam* sier Hironimo.
 Sier Antonio Bon, *quondam* sier Fantim.
 Sier Nicolò Donado, *quondam* sier Luca.
 Sier Moisè Venier, *quondam* sier Moisè.
 Sier Tadio Contarini, *quondam* sier Nicolò.

Noto. In questo zorno, il colegio, deputado a li zentilhomeni retenuti, fo in camera; et era consier di San Pollo, nuovo, in locho di sier Nicolò Donado, che à compido, sier Alvixe Contarini, caschi. Et examinono sier Zuan Foscarini et sier Nicolò Vendramin.

Item, a hore $\frac{1}{2}$ di note, fo portà il corpo di Christo in la prexon, per comunichar Lunardo da Dresano, qual sta in *extremis*.

404 Copia de una letera di sier Zuan Vituri, provedador in la Patria di Friul, a sier Lorenzo, suo fradelo, data in Gradischa, a di 29 zener 1510.

Come quelli da Monfalcom erano molto danizati da li inimici, et *maxime* da' villani de quatro forteze de i nimici, che sono Santo Anzolo, Rafimbargo, Durinburgó e Comine, che sono, oltra queste montagne, lontane a quel locho di Gradischa mia 20. E ogni volta, che i veniano a dolersi, si cruciava per non poterli dar socorsso; imperhochè diti inimici vanno la note per diti lochi, e fano li soi botini et presoni, che lui non pol aver aviso, fino che non sono za retornati a casa. *Unde* deliberoe di veder con

qualche mezo, se possibel fusse, a far che diti villani venisseno fuori di le forteze, qual, per segni, l'una a l'altra se risponde; et mandoe, luni di note, a di 27, cavalli XX a corer versso Santo Anzolo, et fero no botino de animali. E, al ritorno suo, questi villani se ne ussitenno fuora senza hordine, a tal che, per esser grossi, fu forzo a li nostri coradori, che erano pochi, lassarli el botino et venir a casa. E inteso, lui provedador, da quelli il modo che i nimici haveano tenuto, ordinoe una cavalcata, la note passata, comessa a domino Matheo dal Borgo, contestabele. Qual, da bon soldato, tolse la impresa, e andò, con fanti 70 de so compagna e cavalli 80, a la volta de dite forteze. Et messo li fanti et cavalli 20 in arguaito, a presso la forteza de Comune, fece che lo resto de li cavalli se ne corseno a la volta de Santo Anzolo, a l'usato modo. Villani; discoperti che haveno diti nostri coradori, venero fuora da tre bande, con schiopeti et altre arme, per arsaltar li nostri; li qualli, visti et tirati in luogo conveniente, introrno in diti villani, de li qualli ne hanno tagliato a pezi da zercha 60, e fato presoni numero 22, conduti in quel locho di Gradischa; *solum* ferito uno de li nostri ballestrieri, et morti doi cavalli: che non è stà vulgar fato, imperhochè erano villani de natura, che infestavano molto li nostri. Et scrive, se i nimici, che escono fuora de Goricia, non andasseno per soi luogi et forti, come vanno, che sempre ne lo andar e ritornar vano per monti a robar, molte volte li hariano dato tal rota, che saria stà honorevele; ma non si li pol azonzerli. Et lui non resta di far ogni suo poter, a utele di quella Patria e honor di la Signoria nostra. Solicita li soi danari.

Queste sono la zente à il papa in questi tempi, 404 chome vidi la poliza, per letere venute di Bologna, di suo fiol, a sier Francesco da Leze, quondam sier Lorenzo.*

Lo illustrissimo signor ducha	
di Urbino	homeni d' arme 216
	cavali lizieri 179
El signor Paulo Bajom . . .	homeni d' arme 77
	cavali lizieri 61
Domino Malatesta, fiol dil di-	
to Joan Paulo Bajon . . .	homeni d' arme 9
	cavali lizieri 22
Magnifico Zuan di Saxadelo .	homeni d' arme 35
	cavali lizieri 69
Magnifico Joan Vitelli . . .	homeni d' arme 53
	cavali lizieri 81